



永昌府秩官

土司

自來近邊省分必設土司蓋土司非蠻則夷得其地
既不足耕有其人亦不足恃而且言語不通嗜欲亦
異故處之瘴厲之鄉使自有其民自耕其地

朝廷羈縻之俾畏威懷德不敢為亂而已然夷性犬羊
每多叛服苟駕馭無術則為害滋多永郡地處極邊
與所轄土司犬牙交錯是必懷柔有禮震懾有威而

後一方得享綏靖之福至其風俗好高山川於茲尤

宜詳為記載庶宰治者得所備禦而制服可以無虞
國家聲教遐敷四隅安定良由御之得其道耳志土司

永昌府轄

孟定土知府

舊名景麻元至順四年立孟定路軍民總管府領二甸隸大理金齒等處宣慰司明

洪武十五年改置孟定府正統間麓川叛知府刁祿孟遠遜失其地有罕賈者從王驥南征擒賊首色雞色罕授世襲孟定府都督五傳至罕榮萬歷間叅將鄧子龍南征至其地曰豈有土府而加以都督之銜奏改頒知府印榮傳信信傳貴貴傳見明見明傳宋宋傳珍

本朝

平滇珍投誠仍授世職珍傳姪監猛監猛傳大興興傳大亮亮傳梁發發傳罕翁現襲有無量山喳哩江

風俗男戴竹帽女衣文繡

鎮康土知州

舊名石賤元立鎮康路軍民總管府明洪武十五年改鎮康府十七年改為州正統

中土官刀悶先以隨王驥征麓川功授土知州隆慶間悶敬娶罕虔女因附虔歸緬萬歷十一年官兵敗緬敬死其叔悶恩歸義授以州事恩死子枳襲木邦思禮誘之歸緬不從令海慶取控尾據之天啓一年木邦兵據喳哩江枳奔姚闕守備遣官兵拒之木邦乃退枳傳達

本朝

平滇悶達投誠仍授世職悶達傳珍珍傳悶鑑鑑傳悶銑銑傳悶濟濟傳克彰現襲厥職其地民性矯健男子出婦人閉戶以待其至當木邦之要路為內地之藩籬額徵差發銀一百兩

灣甸土知州

蠻名細賤自古不通中國元中統時內附屬鎮康路元末景法為萬戶歸明授灣甸

正長官景法子景宋入貢洪武十七年置灣甸州授

宋知州萬歷十一年景宗貞率弟宗材導罕虔入寇

姚闕宗貞死於陣擒宗材斬之以宗貞子景從幼降

為州判後從討猛廷瑞有功復陞知州傳子承恩承

木

恩傳國泰國泰傳先哲幼叔文智護印
木朝辛漢文智投誠授世職文智傳先哲先哲傳榮名榮
名傳毓瑛毓瑛傳毓聰聰傳廷王廷王傳福福傳祚
祚傳在邦現襲其地多以芭蕉實當果額徵差發銀

兩五

龍陵廳轄

潞江安撫司

蠻名怒江甸元隸柔遠路洪武十五年曩
壁法內附授長官司職永樂九年陞安撫

本

朝平滇有功投誠仍授世職有功傳姪崇毅崇毅傳國
勲國勲傳於陞於陞傳朗朗傳維坤坤以征緬有功

屢受賞賚以病替與子線海海傳子祖綬祖綬乏嗣
胞弟祖綬現襲額

徵差發銀八十兩

芒市安撫司

蠻名怒謀又曰大枯賧小枯賧即唐所謂
芒施蠻也元中統初內附至元十三年立

本

芒施路軍民總管府領二甸明洪武十五年置芒施府正統九年放定正隨征緬有功授芒市長官司萬歷初放福與岳鳳聯姻十一年導緬寇松坡事覺擒福正法立其舍目放緯領司事轄於隴把緯傳珀珀傳廷臣以入貢加授安撫司職傳子國璋國璋傳愛

朝

平滇愛眾投誠仍受安撫世職愛眾傳彌高彌高傳

天球天球傳仁仁傳作藩作藩傳愈彰愈彰傳愈著

承襲其地川原曠邈人稍脆弱男子以石榴皮染齒

使黑婦人分髮直額為一髻垂於後跣足衣皮西南

有青石山又有永貢幹猛二山皆高曠陟絕夷長所

居其水曰芒市河麓川江皆流至緬地合大盈江曰

大車江自騰越流至司境匯於緬中蒲甘城其地產

香橙橄欖甘蔗額徵差發銀七十兩該撫司自愈著

傳子澤重不振嘉慶廿一年

奏委族目放愈新代辦愈新死現委澤浩代辦

遮放副宣撫司隴川之貳也明正統元年多懷們從征猛卯夷有功授遮放副宣撫司孫譚於

萬歷中從征蠻莫緬及隴川累功益以隴川地領隴川多俺為同知居猛卯多茶為副使居遮放沿至多

爾忠

本朝

平滇爾忠投誠仍授世職爾忠傳賢輔賢輔傳世祿世祿傳量量傳萬靈萬靈傳彭年年傳來朝朝傳顯榮庶兄弒之道光二年詳委多定邦承襲司南六十里至三台山極險峻為控制木邦之扼要地最熱風俗與芒市相同

騰越廳轄

猛卯安撫司

明萬歷初有猛密頭目思化敗緬於送速緬逐之入居蠻莫朝廷嘉之授蠻莫宣撫

司思化傳正嗣緬潛師深入挾取正首而去後又立

正之弟忠改姓衍受安撫司職數被緬侵勢不能支因安插於猛卯卒為緬所擄殺舍目瓏襲瓏傳瑾瑾

傳珍珍傳瑄

本朝

平滇瑄投誠授猛卯安撫司世職瑄傳玳玳傳志志傳明明傳初初無嗣傳胞弟衍衿衿傳子衍連現

襲職其江合大盈江而流於緬有土城乃前明巡撫陳用賓所築也最熟貿易亦罕入其境收穫獨早

隴川宣撫司

舊名麓川其地曰大布芒曰賤頭附賽曰賤中彈吉曰賤尾福祿培皆白夷所居元

中統初多線瓜內附至元十二年置麓川路金齒等

處宣撫司明洪武十七年至閏歸附置麓川平緬宣

慰司宣德年與木邦仇殺因失官以孟養刀氏代至

正統二年思任因刀賓玉勢弱遂據麓川叛侵孟定

灣甸掠騰衝南甸取孟養地刀賓玉奔永昌死六年

兵部尚書王驥進征大破之十一年改麓川為隴川

設宣撫司於隴把與南甸干崖合為三宣屏蔽永騰

以夷目恭頊領之後任子思機思卜復叛頊內奔安

插曲靖以其頭目多氏代之萬歷五年多士寧為養

子岳鳳所殺勾緬據其地十二年岳鳳既俘立多思

順加宣慰司職二十年緬人窺等練至其地思順奔

猛卯會官兵大戰於栗柴壩追逐之二十一年巡撫

陳用賓檄知府漆文昌築八關於其地三十八年思順子安民叛巡撫周嘉謨平之以金牌畀其弟安靖

本朝 為宣撫

平滇安靖子紹寧投誠授宣撫世職紹寧傳勝祖勝
祖傳治國治國傳世臣世臣傳益善益善傳有功有
功傳朝勲朝勲傳朝珍朝珍傳有爵有爵以年老替
於朝惠惠傳廷侯現襲山有摩黎山羅木山俱極高
峻夷人恃以為險又有湯泉從石罅流出為河熱如
沸湯俗與南甸同有城郭宮室其人
皆樓居舊額徵差發銀一百七十兩

干崖宣撫司

舊名干額賤元中統初內附至元中置鎮
西路軍民總管府領二甸明洪武十五年

改鎮西府有希忠國隨征有功授干崖長官同改姓
刀正統中刀怕率以麓川功陞宣撫司萬歷三十九
年刀定邊又以平叛功加三品服明末為蓋達刀思
韜所殺

本朝

平滇定邊子建勲投誠仍授世職建勲傳秉忠秉忠
傳捷泰捷泰傳鴻業鴻業傳得衆得衆傳世侯世侯
傳紹虞紹虞傳如蓮現襲在騰西南二百里山曰雲
晃在司南十五里上有瀑布流為雲晃河曰雲籠在

司東二十五里曰白蓮在司北六十里中挺一峯土
官居其麓下有白蓮池曰刺朋在司西百餘里其水
曰安樂河源出騰衝經南甸迤邐至北折而西百五
十里入栢榔江境內甚熱四時皆蠶有白蠶布白蓮
花竹醜大如兔而肥舊
額徵差發銀五十兩

南甸宣撫司

舊名南宋在騰越南半個山下其山巔北
恒有霜雪南則炎瘴如蒸元至元二十六

年置南甸軍民總管府領二甸明洪武初刀貢猛本
姓龔江南上元人因隨師南征在南甸改姓刀以招
撫曩猛功授騰衝千戶永樂中其弟貢蠻入貢改陞
南甸土知州正統八年刀樂硬以麓川功陞宣撫司
傳至刀樂臨以平岳鳳功陞宣慰司轄部有羅布司
莊小隴川皆百夫長分地知事謝氏居曩宋閻氏居
蓋西屬部直抵金沙江與孟養地犬牙相錯萬歷二
十一年巡撫陳用賓檄知府漆文昌建關置堡於司
西北今不復存自刀樂臨襲後歷傳至樂啓樂啓傳
樂保樂保傳兄呈祥

本朝

平滇呈祥投誠授宣撫世職呈祥傳啓元啓元傳恩錫恩錫傳銘鼎銘鼎傳三錫三錫傳維翰乏嗣傳弟維周維周傳鴻緒現襲司東十里又東五里係蠻干山土目憑險阻居其上沙木籠山在司南百里上有關立木為柵南牙山甚高延袤百餘里官道經之上有石梯夷人據此為險其水曰小梁河源出騰衝赤土山麓西南流經南牙山下曰南牙江至干崖為安樂河而合於大盈江有孟乃河在司東南七十里即騰越龍川江之源其關外盡屬野夷經騰越鎮州立正副撫夷常川率練在關防禦今設營駐守俗與木邦同婚娶用穀茶二長筒雞卵五七籠為聘客至以穀茶供奉手拈而食之產紅籐孔雀叫雞額徵差發銀十

一兩

蓋達副宣撫司

干崖之貳也明正統四年怕便以從征麓川功授蓋達宣撫司賜名刀思忠傳

至思官以木邦罕氏勾緬破城為緬所獲兄思權襲以平猛廷瑞功賜繡衣傳至思韜

本

朝平滇思韜投誠授副宣撫世職思韜傳思鉉思鉉傳
思琳思弼思儒思定凡五傳至思鎮現襲

戶撒長官司

賴邦傑邦傑傳榮祖乏嗣遂
傳弟興祚興祚傳有位現襲

臘撒長官司

蓋榮邦榮邦傳起鳳
起鳳傳世英現襲

二職舊隸騰越雍正二年奉文裁革乾隆三十六年

阿將軍以該地需員管理 奏准復設二職

明光隘土把總

左時望係茨竹寨
住民承父正邦職

大塘隘土把總二員

劉爾立劉爾
游係土住民

古勇隘土把總

楊祖文原籍江西金谿縣人住居古勇
今經六代四傳至楊東晁奉調出師新

街陣亡以其
孫祖文承襲

滇灘關土目

柴相賢原籍湖廣襄陽府人明洪武間奉調隨征到騰分駐滇灘防禦野夷乾隆十

二年值滇灘土目艾允中死乏嗣眾以柴德尊舉充詳准給以土目委牌德尊傳子相賢現襲

以上四職乾隆十二三年間均於秤夏著功蒙 經

略將軍籌辦善後事宜 題准將從征土舍分委管

理地方其在事有功者給予土千把總職銜仍各頒

兵部劄付以昭信守未經出師効力者酌給土目委

牌以資約束均准世襲

保山縣轄

魯掌土千總

茶尚慶土住民舊係土巡捕乾隆十二年從征秤夏標標著有勤勞總統副將給以

土千總功牌分管魯掌防禦野夷三十八年尚慶年
老請以子承襲經知縣汪朝鑾詳奉兵部給發劄付
准其子茶發春世守
發春傳茶耀宗現襲

登埂土千總

段聯芳雲龍州六庫住民以土巡捕從征
秤夏獾獾有功總統軍務給以土千總功

牌分管登埂各寨防禦野夷乾隆十七年頒
發兵部劄付准其世守凡三傳段豫現襲

卯照土目

段聯甲上江南莫住民久悉夷情經知縣賴
權詳准承充嗣聯甲死乾隆四十六年又經

知縣潘鈺詳准以聯甲子允
伸世守允伸傳段珍現襲

永平縣舊轄

永平縣丞

世屬馬氏元時為土副使明初馬鎮飛歸順
授縣丞世職

本

朝平滇投誠仍授世

職後奉文裁革

打牛坪土驛丞 明正統中楊霖隨王驥征麓川功授驛丞世職

本朝平滇投誠仍授世職後奉文裁革

改隸順寧府轄

直隸耿馬宣撫司 猛猛宣撫司 孟璉長官司三職

舊隸永昌府乾隆二十九年 奏准改隸順寧府

土舍

古里喧 早納喧 崩戛喧 蠻岡喧 蠻雲喧

蠻雷喧 西牙喧 蠻養上下喧 敢頂上下喧

刺倫喧 盪習喧 控廣喧 蠻寬喧 北衝寨

金齒東山寨 都魯凹寨 阿思郎寨 平頭寨

平夏寨 南窩寨 阿坡寨 桑科寨 阿今寨

蒲縹寨 羅板寨 羅古寨 羅明寨 周州寨

瓦窰寨 茶山寨 小西山寨 象達寨 猛糯

寨 猛波羅寨 水眼關 關坡土巡檢 信邑

寨總旗 鎮安所鄉長

以上各土舍舊隸保山縣久經奉文裁革

